



Na osnovu člana 19. Statuta Udruženja „Obrazovanje gradi Bosnu i Hercegovinu – Jovan Divjak“, izvršni direktor Udruženja raspisuje

## K O N K U R S

**za dodjelu stipendija djeci i mladima iz porodica ratnih vojnih invalida, demobilisanih boraca i civilnih žrtava rata, djeci i mladima sa invaliditetom, talentovanoj djeci i mladima, djeci i mladima romske nacionalne manjine te socijalno ugroženoj djeci i mladima koji se nalaze na redovnom školovanju u srednjim i visokoškolskim obrazovnim ustanovama u školskoj/akademskej 2024/2025. godini  
(u daljem tekstu - korisnici)**

Uslovi za prijavljivanje kandidata na konkurs:

- da je državljanin Bosne i Hercegovine
- da ima mjesto prebivališta na teritoriji Bosne i Hercegovine
- da redovno pohađa srednju školu/fakultet na teritoriji Bosne i Hercegovine
- da za školovanje u školskoj/akademskej 2024/2025. godini ne prima stipendiju
- da ne obnavlja razred ili godinu

Odabrani korisnici obavezni su:

- redovno pohađati nastavu;
- učestvovati u prikupljanju dijela sredstava za sopstveno i stipendiranje drugih korisnika (učlanjenje novih članova, prodaja kalendara, knjiga, razglednica i sl.)
- platiti godišnju članarinu u iznosu od 10,00 (deset) KM;
- u školskoj/akademskej 2024/2025. godini ostvariti najmanje 20 sati volonterskog rada i to za stipendiste iz Kantona Sarajevo - u Udruženju, odnosno, ukoliko stipendista živi/boravi van Kantona Sarajevo u ustanovi/organizaciji po sopstvenom odabiru;
- otvoriti tekući račun u Sparkasse Bank BiH dd na ime korisnika stipendije. O detaljima i načinu otvaranja tekućeg računa, korisnici će biti obaviješteni prilikom objave preliminarne liste kandidata koji su ispunili uslove za dodjelu stipendije.

Bodovanje kandidata vršit će se u skladu sa Pravilnikom o načinu i uslovima ostvarivanja prava na dodjelu stipendija djeci i mladima koji se nalaze na redovnom školovanju u srednjim, višim i visokoškolskim obrazovnim ustanovama.

Stipendije se dodjeljuju za deset mjeseci školske/akademske 2024/2025. godini.

Stipendija za učenike srednjih škola iznosi 120,00 KM mjesečno.

Stipendija za studente iznosi 150,00 KM mjesečno.



Kandidati su obavezni, uz **Prijavu na konkurs (Prilog 1)**, priložiti sljedeće dokumente:

- Uvjerenje o upisu u srednju školu/fakultet u školskoj/akademskoj 2024/2025. godini (**original**);
- Dokaz o uspjehu u prethodnoj školskoj/akademskoj 2023/2024. godini:
  - za učenike srednjih škola svjedočanstvo o završenom razredu u školskoj 2023/2024. godini (kopija);
  - za studente prve godine studija – svjedočanstvo o završenom 4. razredu srednje škole u školskoj 2023/2024. godini (kopija);
  - za studente druge i narednih godina studija – uvjerenje o položenim ispitima u akademskoj 2023/2024. godini (original ili kopija);
- Prijava prebivališta (CIPS – **original** – ne starija od 30 dana);
- Kućna lista (**ovjerena u općini**);
- Izjava o saglasnosti kandidata za javnu objavu rezultata konkursa (**Prilog 2 – ovjeriti u općini**);
- Izjava da kandidat ne prima stipendiju za školovanje iz drugog izvora (**Prilog 3 – ovjeriti u općini**);
- Za **sve** punoljetne članove domaćinstva - Uvjerenje o ostvarenim oporezivim prihodima od nadležne Poreske uprave za prethodnih 12 mjeseci – **original ili ovjerena kopija**, te
  - Za zaposlene članove domaćinstva – platna lista (od poslodavca) – kopija;
  - Za članove domaćinstva koji primaju starosnu, invalidsku ili porodičnu penziju – ček posljednje primljene penzije – kopija,
  - Za nezaposlene članove domaćinstva – Uvjerenje od Zavoda za zapošljavanje – original, kopija ili izjava ovjerena u općini da je lice nezaposleno;
- Za kandidate bez jednog ili oba roditelja - dokaz o smrti (umrli list) - kopija;
- Za kandidate čije domaćinstvo vodi samohrani roditelj – rješenje ili uvjerenje od nadležnog organa - kopija;
- Za kandidate pod starateljstvom – rješenje ili uvjerenje od nadležnog organa - kopija;
- Dokaz o redovnom školovanju ostale djece iz porodice kandidata - uvjerenje/potvrda od škole, odnosno fakulteta<sup>1</sup> za svako dijete - **original ili ovjerena kopija**;
- Dokaz o stepenu invaliditeta kandidata – rješenje ili uvjerenje od nadležnog organa - kopija – **obavezno za kandidate iz kategorije B**;
- Dokaz o stepenu invaliditeta članova uže porodice (roditelji/staratelji, braća/sestre) - rješenje ili uvjerenje od nadležnog organa - kopija;
- Kandidati iz **kategorije A** - Dokaz o statusu člana porodice ratnih vojnih invalida, demobilisanih boraca i civilnih žrtava rata – rješenje ili uvjerenje nadležne općinske službe za boračko-invalidsku zaštitu - kopija;
- Kandidati iz **kategorije C** – talentovani učenici srednjih škola i studenti su djeca i mladi koji na kantonalnom, entitetskom i državnom nivou osvoje prvo mjesto ili postignu značajne uspjehe na međunarodnom nivou u kategorijama društvenih, tehničkih i predmeta muzičke kulture ili sportskim disciplinama obavezni su da prilože dokaze o ostvarenim rezultatima.
- Kandidati iz **kategorije E** - učenici srednjih škola i studenti pripadnici romske nacionalne manjine obavezni su da prilože **potvrdu od lokalnog romskog udruženja** ili **izjavu ovjerenu u općini** da je kandidat pripadnik romske nacionalne manjine.
- Dokaz o volonterskom radu (ukoliko postoji)<sup>2</sup>.

<sup>1</sup> Učenici srednjih škola koji apliciraju za stipendiju trebaju dostaviti izjavu da će uvjerenja/potvrde od fakulteta za članove porodice koji su studenti, dostaviti naknadno, odnosno do 18.10.2024. godine.

<sup>2</sup> Kandidati koji su bili stipendisti u 2023/2024. godini, a dostavili su dokaz o volonterskom radu, nisu obavezni da isti dostave sa prijavom.



**Konkurs se otvara objavom na društvenim mrežama i web stranici Udruženja „Obrazovanje gradi Bosnu i Hercegovinu – Jovan Divjak“.**

**Krajnji rok za podnošenje prijava je**

- **za učenike srednjih škola do 13.09.2024. godine**
- **za studente do 18.10.2024. godine**

što potvrđuje datum na poštanskom žigu.

Izbor kandidata vršit će se komisijski, bodovanjem prema Pravilniku o načinu i uslovima ostvarivanja prava na dodjelu stipendija djeci i mladima koji se nalaze na redovnom školovanju u srednjim i visokoškolskim obrazovnim ustanovama, do 04.11.2024. godine.

Prijavu s dokazima o ispunjavanju uslova konkursa i traženim dokumentima dostaviti **isključivo** putem pošte na adresu:

**Udruženje „Obrazovanje gradi Bosnu i Hercegovinu – Jovan Divjak“  
Dobojska 4  
71000 Sarajevo**

s naznakom „Prijava na konkurs“ i slovnom oznakom pripadajuće kategorije kandidata:

- A** (učenik/student iz porodice ratnih vojnih invalida, demobilisanih boraca i civilnih žrtava rata)
- B** (učenik/student - osoba sa invaliditetom)
- C** (talentovani učenik/student)
- D** (učenik/student u stanju socijalne potrebe)
- E** (učenik/student – pripadnik romske nacionalne manjine)

**Prednost prilikom dodjele stipendije će imati kandidati koji su u školskoj 2023/2024. godini ispunili ugovorne obaveze.**

**Neuredne, nepotpune i neblagovremene prijave neće biti uzete u razmatranje.  
Dostavljena dokumentacija se neće vraćati kandidatima.**